

«ՀԱՍՏԱՏՈՒՄ ԵՄ»



ԿԱՐՄԻՔ

Գևորգ Հարությունի Քեչեյանի «Տնտեսական անի վրա գործազրկության մակարդակի ազդեցության տնտեսափնակազրական վերլուծությունը ՀՀ օրինակով» թեմայով տնտեսախոսության վերաբերյալ, ներկայացված Ը.00.03 – «Ֆինանսներ, հաշվապահական հաշվառում» մասնագիտությամբ տնտեսագիտության թեկնածուի գիտական աստիճանի հայցման համար:

Ատենախոսությունը բննարկվել է Հայ-Ռուսական համալսարանի «Էկոնոմիկայի և ֆինանսների» ու «Տնտեսագիտության տեսության և անցումային օրջանի տնտեսության հիմնախնդիրների» ամբիոնների 2020 թվականի հուլիսի 14-ի համատեղ նիստում (արձանագրություն թիվ 08-20):

Մասնակցում էին՝

Սանդղյան Հրվարդ Մարտինի՝ տնտեսագիտ. դոկտոր, պրոֆ., **Ներսեսյան Կարեն Վասիլի՝** տնտեսագիտ. թեկնածու, դոցենտ, **Ոսկանյան Մարիամ Համբարձումի՝** տնտեսագիտ. թեկնածու, դոցենտ, «Էկոնոմիկայի և ֆինանսների» ամբիոնի վարիչ, **Զախյան Էլիզա Միքայելի՝** տնտեսագիտ. թեկնածու, դոցենտ, **Կարապետյան Էդգար Գագիկի՝** տնտեսագիտ. թեկնածու, դոցենտ, **Սահակյան Դավիթ Ալբերտի՝** ֆ.-մ. գիտ. թեկնածու, դոցենտ, **Իսկանդարյան Դավիթ Սամվելի՝** տնտեսագիտ. թեկնածու, ավագ դասախոս, **Թամազյան Արմեն Լիպարիտի՝** ավագ դասախոս, **Պետրոսյան Իրինա Բորիսի՝** տնտեսագիտ. թեկնածու, դոցենտ, «Տնտեսագիտության տեսության և անցումային օրջանի տնտեսության հիմնախնդիրների» ամբիոնի վարիչ, **Ավետիսյան Անի Գրիգորի՝** տնտեսագիտ. թեկնածու, դոցենտ, **Տիգրանյան Վարսիկ Իօսիանի,** տնտեսագիտ. թեկնածու, դոցենտ, **Մնացականյան Լիդա Արմենի՝** ավագ դասախոս, **Հակոբյան Էսթեր Առուտի՝** ավագ դասախոս, **Հակոբյան Արմինե Արզումանի՝** ավագ դասախոս, **Ավետիսյան Լարիսա Առուտի՝** տնտեսագիտ. թեկնածու, ավագ դասախոս, **Աղաջանյան Արմինե Վլադիմիրի՝** տնտեսագիտ. թեկնածու, դոցենտ, **Գալստյան Անի Համլետի՝** դասախոս, **Նաեիկյան Լիլիա Առուտի՝** ասիստենտ, **Սարգսյան Լիլիթ Կարենի՝** ասիստենտ:

ԱՏԵՆԱՆՈՍՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Անկախության տարիներից ի վեր Հայաստանի Հանրապետության տնտեսական զարգացումը և կայուն տնտեսական անի ապահովումն այն առանցքային հիմնահարցն է, որի շուրջ մեակվել են բազմաթիվ

Համլետի՝ դասախոս, Նաշիկյան Լիլիա Աշոտի՝ ասիստենտ, Սարգսյան Լիլիթ Կարենի՝
ասիստենտ:

ԱՏԵՆԱԽՈՍՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Անկախության տարիներից ի վեր Հայաստանի Հանրապետության տնտեսական
զարգացումը և կայուն տնտեսական աճի ապահովումն այն առանցքային հիմնահարցն է,
որի շուրջ մշակվել են բազմաթիվ ռազմավարական ծրագրեր: Տնտեսական աճի
ապահովման առաջին նախադրյալներից է աշխատանքի շուկայի զարգացումը, որը
ազգային անվտանգության տարրերից է: Վերջին տասնամյակում աշխատանքի շուկան
կարգավորող օրենսդրական փոփոխությունները և պետության վարած սոցիալական
քաղաքականությունն իրենց դրական ազդեցությունն են ունեցել աշխատանքի շուկայի
ձևավորման և զարգացման գործում: Չնայած ՀՀ աշխատանքի շուկայում տեղ գտած
բարեփոխումներին՝ դեռևս առկա են մի շարք խնդիրներ՝ կապված գործազրկության
մակարդակի՝ հատկապես երիտասարդների շրջանում, աշխատուժի տեղաբաշխման և
աշխատանքային ռեսուրսների արտահոսքի հետ:

Աշխատանքի շուկայում տեղի ունեցող փոփոխություններն անմիջականորեն
իրենց արտացոլումն են գտնում մակրոտնտեսական ցուցանիշների որակական և
քանակական բնութագրերի վրա: Ռեսուրսների սահմանափակությամբ օժտված և
տնտեսաաշխարհագրական ոչ այդքան բարենպաստ դիրք ունեցող երկրի համար,
ինչպիսին Հայաստանն է, գործազրկության մակարդակի նույնիսկ մեկ տոկոսով աճը
տնտեսության մեջ առաջ է բերում նշանակալի վնասներ: Այս տեսանկյունից արդիական է
գործազրկության աճի արդյունքում տնտեսությունում տեղ գտած վնասների
գնահատումը, ինչպես նաև գործազրկությունը կրճատող գործոնների
ուսումնասիրությունը: Կարևորվում է նաև գործազրկության մակարդակի վրա ազդող
այնպիսի գործոնների ուսումնասիրությունը, ինչպիսիք են գործազուրկների միջին
տարիքը, գործազրկության տևողությունը և դրանց զարգացման միտումների
բացահայտումը:

Վերոհիշյալ հարցադրումների քննարկմանն ու որոշակի առաջարկությունների մշակմանն է նվիրված «Ֆինանսներ, հաշվապահական հաշվառում» մասնագիտությամբ տնտեսագիտության թեկնածուի գիտական աստիճանի հայցման համար ներկայացված Գևորգ Քեշիշյանի ատենախոսությունը: Ներկայացված հիմնախնդիրներով էլ պայմանավորված է թեմայի ընտրությունն ու արդիականությունը:

ՀԵՏԱԶՈՏՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ

Ատենախոսության հիմնական նպատակը ՀՀ աշխատանքի շուկայում գործազրկությունը բնութագրող ցուցանիշների, ինչպես նաև այն կրճատող գործոնների համալիր վիճակագրական վերլուծության միջոցով տնտեսական աճի վրա գործազրկության մակարդակի ազդեցության գնահատումն է:

Այդ նպատակին հասնելու համար աշխատանքում առաջադրվել և լուծվել են հետևյալ խնդիրները.

- Հետազոտել ըստ սեռատարիքային խմբերի և կրթական մակարդակի գործազուրկների կառուցվածքը և բացահայտել տեղի ունեցող կառուցվածքային տեղաշարժերը,
- Բացահայտել գործազուրկների տարիքի և անավարտ գործազրկության տևողության ազդեցությունը գործազրկության մակարդակի վրա,
- Ուսումնասիրել գործազրկության մակարդակը կրճատող և տնտեսության տարբեր ոլորտներում տնտեսական աճն ապահովող աշխատանքի շուկայի հիմնական գործոնները,
- Բացահայտել տարբեր աղբյուրներից ստացված տվյալներով գործազրկության մակարդակների ազդեցությունը մակրոտնտեսական առանցքային ցուցանիշների վրա և հիմնավորել տնտեսական աճով պայմանավորված շրանց միջև եղած տարբերությունների օրինաչափությունները,
- Վերլուծել և գնահատել ՀՀ-ում բնակչության բարեկեցության վրա գործազրկության մակարդակի և տնտեսական աճի ցուցանիշների ազդեցությունը,

- Բացահայտել գործազրկության մակարդակի և տնտեսական աճը բնութագրող հիմնական ցուցանիշների միջև փոխադարձ կապը, դրանց դրսևորման առանձնահատկությունները ՀՀ մարզերի և քաղաք Երևանի կտրվածքով,
- Բացահայտել գործազրկությունը և տնտեսական աճը բնութագրող հիմնական ցուցանիշների ներտարեկան սեզոնային տատանումների առանձնահատկությունները և փոխկապվածության մեխանիզմները:

ԱՇԽԱՏՈՒԹՅԱՆ ՀԻՄՆԱԿԱՆ ԳԻՏԱԿԱՆ ԱՐԴՅՈՒՆՔՆԵՐԸ ԵՎ ՆՈՐՈՒՑԹԸ

Ատենախոսության մեջ առաջադրված խնդիրների լուծման նպատակով իրականացված վերլուծությունների ու հետազոտությունների արդյունքում ստացվել են տեսական և գործնական նշանակություն ունեցող մի շարք արդյունքներ, որոնցից ըստ հեղինակի գիտական նորույթն արտացոլող հիմնական դրույթներն են.

- Բացահայտվել է գործազուրկների տարիքի և անավարտ գործազրկության տևողության միջև եղած փոխադարձ կապը և հիմնավորվել է դրանց համատեղ ազդեցությունը գործազրկության մակարդակի վրա:
- Գնահատվել և կոռելյացիոն պլեյադաների միջոցով ներկայացվել է աշխատուժի առաջարկի և պահանջարկի հիմնական ցուցանիշների շղթայական ազդեցությունը գործազուրկների թվաքանակի և գործազրկության մակարդակի կրճատման և տնտեսական աճի ցուցանիշների վրա: ՀՆԱ-ի հիմքով հաշվարկման արդյունքում բացահայտվել է գործազրկության արդյունքում տնտեսության կրած վնասների չափը:
- Գործազրկության մակարդակի և հիմնական մակրոտնտեսական ցուցանիշների միջև փոխկապվածությունների բացահայտման արդյունքում վեր է հանվել գործազրկության պաշտոնական և ՏՏԿԱՀ տվյալների միջև եղած տարբերությունների միջև եղած օրինաչափությունը:
- Տնտեսական կայուն զարգացման գնահատման ինտեգրալ ցուցանիշի (SEDA) վրա գործազրկության մակարդակի և տնտեսական աճի ցուցանիշների

ազդեցության վերլուծության արդյունքում բացահայտվել է ՀՀ բնակչության բարեկեցության վրա նշված գործոնների ազդեցությունը:

- ՀՀ մարզերում և քաղաք Երևանում գործազուրկների թվի կառուցվածքային տեղաշարժերի հիման վրա գնահատվել է դրանց ինտենսիվության աստիճանը, ինչպես նաև բացահայտվել է գործազրկության մակարդակի և բնակչության մեկ շնչի հաշվով ՀՆԱ-ի միջև եղած փոխկախվածության առանձնահատկությունները:
- ՀՆԱ-ի ծավալների և գործազրկության մակարդակի փոխկապակցված շարքերի վերլուծության հիման վրա պարզաբանվել է սեզոնային տատանումների բնույթը, և ժամանակային շարքերի տարբեր բաղադրիչների հիման վրա տրվել են կանխատեսման միջակայքային գնահատականները առաջիկա տարիների համար:

ՀԵՏԱԶՈՏՈՒԹՅԱՆ ԱՐԴՅՈՒՆՔՆԵՐԻ ԳԻՏԱԳՈՐԾՆԱԿԱՆ ՆՇԱՆԱԿՈՒԹՅՈՒՆԸ

Ատենախոսության հետազոտության արդյունքներն ու եզրահանգումները կարող են կիրառվել ՀՀ ՎԿ-ի կողմից համապատասխան շրջանակներում իրականացվող ծրագրերում և հետազոտություններում, ՀՀ համապատասխան գերատեսչություններում, նախարարություններում: Դրանք կարող են տեղեկատվական նյութ հանդիսանալ տնտեսագետ-հետազոտողների համար, ովքեր զբաղվում են տվյալ հիմնախնդիրների ուսումնասիրություններով:

ՀԵՏԱԶՈՏՈՒԹՅԱՆ ԾԱՎԱԼԸ ԵՎ ԿԱՌՈՒՑՎԱԾՔԸ

Ատենախոսությունը բաղկացած է ներածությունից, երեք գլուխներից, եզրակացություններից, օգտագործված գրականության ցանկից և հավելվածներից: Ատենախոսության տեքստը շարադրված է 158 էջի վրա՝ ներառյալ օգտագործված գրականության ցանկը, պարունակում է 22 աղյուսակ, 23 գծապատկերներ և 32 բանաձևեր:

ԱՏԵՆԱԽՈՍՈՒԹՅԱՆ ՀԻՄՆԱԿԱՆ ԲՈՎԱՆԴԱԿՈՒԹՅՈՒՆԸ

Ներածությունում հիմնավորվել է ընտրված թեմայի արդիականությունը, ներկայացված են հետազոտության նպատակն ու խնդիրները, հետազոտության տեսական տեղեկատվական և մեթոդաբանական հիմքերը, հետազոտության գիտական նորույթը, արդյունքների կիրառական նշանակությունը:

Ատենախոսության առաջին՝ «Գործազրկության և տնտեսական աճի տեսական ու մեթոդաբանական հիմքերը» գլխում ներկայացված են գործազրկությունը բնութագրող հիմնական ցուցանիշների համակարգը, ՀՀ Վիճակագրական կոմիտեի (ՀՀ ՎԿ) կողմից աշխատանքի շուկային վերաբերող տվյալների հավաքագրման մեթոդաբանությունն ու ստացման աղբյուրները, ինչպես նաև տնտեսական աճի, դրա հիմնական ցուցանիշների և գործազրկության մակարդակի փոխազդեցության տեսական հիմքերը:

Ատենախոսության երկրորդ՝ «Գործազրկության մակարդակի տնտեսավիճակագրական վերլուծությունը ՀՀ-ում» գլխում ներկայացված է ՀՀ-ում գործազրկությունը բնութագրող հիմնական ցուցանիշների վերլուծությունը: Այս գլխում ներկայացվել է վերջին տասը տարիներին ՀՀ-ում ըստ կրթական մակարդակի, ըստ սեռատարիքային կազմի և ըստ անավարտ գործազրկության տևողության գործուրկների թվաքանակի բաշխման, կառուցվածքի, դինամիկայի վերլուծությունները, ինչպես նաև բացահայտվել են գործազրկության մակարդակի վրա գործազուրկների տարիքի, անավարտ գործազրկության տևողության փոխադարձ կապերը: ՀՀ մարզերի և քաղաք Երևանի առումով ուսումնասիրվել է 2008-2017 թթ. ՏՏԿԱՀ նյութերով և պաշտոնապես գրանցված տվյալներով գործազուրկների թվաքանակի դինամիկան և գնահատվել է գործազուրկների թվաքանակի կառուցվածքային տեղաշարժերի ինտենսիվության աստիճանը:

Ատենախոսության երրորդ՝ «Տնտեսական աճի և գործազրկության մակարդակի միջև եղած փոխկախվածության տնտեսավիճակագրական վերլուծությունը» գլխում ներկայացված է ՀՀ տնտեսության հիմնական ոլորտներում գործազրկությունը կրճատող և տնտեսական աճը խթանող գործոնների, ինչպես նաև գործազրկության մակարդակի և տնտեսական աճի հիմնական ցուցանիշների փոխկախվածության վիճակագրական վերլուծությունը: Ուսումնասիրվել և կոռելյացիոն պլեյադաների միջոցով ներկայացվել են ՀՀ

աշխատանքի շուկայում գործազրկությունը կրճատող և տնտեսական աճը խթանող գործոնների փոխազդեցությունները: Ատենախոսության երրորդ գլխում հաշվարկվել և ներկայացվել է ՀՀ տնտեսությանը գործազրկության հասցրած վնասի չափը: Գնահատվել է տնտեսական աճը բնութագրող ցուցանիշների վրա գործազրկության մակարդակի ազդեցությունը: Բացահայտվել է նաև երկրում տնտեսական աճի մակարդակով պայմանավորված ՏՏԿԱՀ նյութերով և պաշտոնապես գրանցված գործազրկության մակարդակների միջև տարբերությունների օրինաչափությունը: 2009-2018 թթ. կտրվածքով գնահատվել է ՀՀ-ում տնտեսական կայուն զարգացման գնահատման ինդեքսի (SEDA) վրա գործազրկության մակարդակի, բնակչության մեկ շնչի հաշվով ՀՆԱ-ի և ՀՆԱ-ի ֆիզիկական ծավալի ինդեքսի ազդեցությունները: Հետազոտվել է ՀՀ մարզերի և քաղաք Երևանի կտրվածքով ՀՆԱ-ի և գործազրկության փոխկախվածության մեխանիզմները: 2008-2018 թթ. ՀՆԱ-ի, ՀՆԱ-ի ֆիզիկական ծավալի ինդեքսի, գործազրկյունների թվի և գործազրկության մակարդակի ներտարեկան եռամսյակային սեզոնային տատանումները ներկայացվել են ֆիկտիվ փոփոխականներով ադդիտիվ մոդելների օգնությամբ և հաշվարկվել են սեզոնային բաղադրիչները, արդյունքում հաշվարկվել են կանխատեսման մակարդակները:

ԴԻՏՈՂՈՒԹՅՈՒՆՆԵՐ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ

Ատենախոսությունում առկա են մի շարք թերություններ, որոնց մեջ կարևորում ենք առանձնացնել հետևյալները՝

1. Ատենախոսության առաջին գլուխը մեծամասամբ դասագրքային բնույթ է կրում /ինչը երևում է հղումներից/, այն ինչ ժամանակակից մասնագիտական գրականության մեջ առկա են բազմաթիվ արտասահմանյան հետազոտություններ տնտեսական աճի և գործազրկության կապի վերաբերյալ: Այդ տեսակի գիտական աշխատությունները շատ ավելի արդիական, պրակտիկ և սպառիչ պատկերացում են տալիս տնտեսական աճի և գործազրկության միջև առկա կապի մասին, և ավելի հիմնավոր են ատենախոսության տեսական և մեթոդաբանական հիմքերը ներկայացնելու տեսանկյունից:

2. Ատենախոսությունում ներկայացված վիճակագրական տվյալների մեծամասնությունը եզրափակվում է 2017 թ.-ով, մինչդեռ Հայաստանի Հանրապետության վիճակագրական կոմիտեն արդեն իսկ հրապարակել է 2019 թ. տարեգիրքը:
3. Ցանկացած ատենախոսական հետազոտություն ենթադրում է առաջարկությունների մշակում՝ հիմնված հետազոտության եզրակացությունների վրա: Մակայն ներկայացվող աշխատանքն ավարտվում է միայն եզրակացություններով, ինչը, միգուցե, պայմանավորված է ատենախոսության՝ «Տնտեսական աճի վրա գործազրկության մակարդակի ազդեցության տնտեսավիճակագրական վերլուծությունը ՀՀ օրինակով» վերնագրով:
4. Մեր կարծիքով, ատենախոսությունն ունի լուրջ տեխնիկական խնդիր, այն է՝ ըստ «ՀՀ աստիճանաշնորհման կանոնակարգի», թեկնածուական ատենախոսության ծավալը պետք է կազմի 100-120 էջ, իսկ հասարակական գիտությունների համար այն կարող է գերազանցել նշված ծավալը 30 տոկոսով: Այսինքն, ատենախոսության առավելագույն ծավալը պետք է կազմի 156 էջ, մինչդեռ այն կազմում է 169 էջ:
5. Գրականության ցանկում տեղ գտած էլեկտրոնային ռեսուրսները թվարկելիս հեղինակը չի նշում կայքերի հստակ անվանումները, այլ նշում է միայն դրանց հղումները:

ԵԶՐԱԿԱՑՈՒԹՅՈՒՆ

Նշված դիտողությունները ընդհանուր առմամբ չեն նվազեցնում հետազոտության արդյունքների տեսական և կիրառական նշանակությունը:

Գևորգ Հարությունի Քեչիշյանի «Տնտեսական աճի վրա գործազրկության մակարդակի ազդեցության տնտեսավիճակագրական վերլուծությունը ՀՀ օրինակով» թեմայով թեկնածուական ատենախոսությունը ինքնուրույն և ամբողջական հետազոտություն է:

Հետազոտության հիմնական արդյունքները հրապարակվել են 10 գիտական հոդվածներում: Ատենախոսության սեղմագիրը համապատասխանում է ուսումնասիրության բովանդակությանը և արտացոլում է աշխատանքի կարևոր դրույթներն ու արդյունքները:

Այսպիսով, Գևորգ Հարությունի Քեշիշյանի «Տնտեսական աճի վրա գործազրկության մակարդակի ազդեցության տնտեսամիճակագրական վերլուծությունը ՀՀ օրինակով» թեմայով թեկնածուական ատենախոսությունը համապատասխանում է ՀՀ «Գիտական աստիճանաշնորհման կանոնակարգի» 6-րդ և 7-րդ կետերին, ինչպես նաև ՀՀ ԲՈԿ-ի կողմից թեկնածուական ատենախոսություններին ներկայացվող պահանջներին, իսկ հեղինակն արժանի է տնտեսագիտության թեկնածուի գիտական աստիճանի շնորհմանը՝ ներկայացված Ը.00.03 - «Ֆինանսներ, հաշվապահական հաշվառում» մասնագիտությամբ:

Նիստի նախագահ՝

Հայ-Ռուսական համալսարանի
«Էկոնոմիկայի և ֆինանսների» ամբիոնի պրոֆեսոր,
տնտ. գիտ. դոկտոր, պրոֆեսոր՝




Է. Ս. Սանդոյան

Հայ-Ռուսական համալսարանի
«Էկոնոմիկայի և ֆինանսների» ամբիոնի վարիչ,
տնտ. գիտ. դոկտոր, դոցենտ



Ս. Ն. Ոսկանյան

Հայ-Ռուսական համալսարանի
«Տնտեսագիտության տեսության
և անցումային շրջանի տնտեսության հիմնախնդիրների»
ամբիոնի վարիչ, տնտ. գիտ. թեկնածու, դոցենտ



Բ. Բ. Ղևորոյան

Հայ-Ռուսական համալսարանի
«Տնտեսագիտության տեսության
և անցումային շրջանի տնտեսության հիմնախնդիրների»
ամբիոնի դոցենտ, տնտ. գիտ. թեկնածու, դոցենտ



Ա. Գ. Ավետիսյան

Հայ-Ռուսական համալսարանի
գիտական քարտուղար,
բան. գիտ. թեկնածու՝



Ռ. Ս. Կասաբարովա